

quia hi, qui currunt, se, corpus suum, *agunt*: quae quidem prima est, et propria, verbi potestas:¹⁵ ii vero, qui currunt, aut sequantur alios, aut fugiant: quidni possit *διώκειν*, vt *sequi*,¹⁶ ita etiam *fugere*, significare? Hesychius: *Διώκειν* — — *κατατρέχειν ἐν κλίμακι, καὶ Φεύγειν μεθ' ὀρμῆς*. Insigne exemplum, quod doceat, quam saepe rarior alicuius vocabuli vsus grammaticos alioquin haud indoctos eo deducat, vt locum, vbi legitur verbum tale, pro suspecto, sed temere, habeant. Barnesii denique notae, vt ad propositum reuertamur, vel parum, vel nihil, illustrant poëtae verba, et longiores sunt, quam vt potuissent a nobis nunc quidem repeti, nisi molem libri augere, atque adeo cum nobismet ipsis pugnare, voluissemus. Quod quidem ipsum de Paui quoque animaduersionibus dictum esto. Nam de Dacieriae, quae fere, id quod a femina expectari poterat, patris sui commentaria ad verbum exscripsit, itemque de Macropetraei, aliorumque huius notae, annotamentis quid attinet dicere?

Hac igitur Anacreontis editione vtère interea, Lector, nobisque faue. Scripsi Lipsiae in Schola Thomana a. d. iiii. Idus Apriles A. C. MDCCLXIII

15. Vid. proluss. Palaephatt. 2; 10, 30. 11, 75. Sic *agitare* pro
 4. p. 28. *sectari* legitur apud Horat. A. P.
 16. Vid. Theocritus Idyl. 6, 17. 456.